

ԻՆՉ ԻՐԱՎՈՒՆՔՆԵՐ ՈՒՆԻ ԶՈՐԱԿՈՉԻԿԸ

- Ծանոթանալ իր վերաբերյալ կայացված որոշումներին.
- Ստանալ իր առողջական վիճակին հակացուցված ծառայության պայմանների (սահմանափակումների) մասին տեղեկություններ.
- Ծանոթանալ իր առողջական վիճակի հետազոտման և բժշկական փորձաքննության ընթացքին.
- Ստանալ բժշկական հետազոտության և փորձաքննության եզրակացությունները.
- Բողոքարկել զինկոմիսարիատի բժշկական հանձնաժողովի եզրակացությունը Կենտրոնական բժշկական հանձնաժողով.
- Բողոքարկել Կենտրոնական բժշկական հանձնաժողովի եզրակացությունը Պաշտպանության նախարարին կամ դատարան՝ երկամսյա ժամկետում.
- Անցնել լրացուցիչ, ստուգիչ կամ հսկողական հետազոտություն՝ բժիշկ-մասնագետի գրավոր հիմնավորմամբ՝
 - ✓ եթե բավարար չեն իր առողջական վիճակի վերաբերյալ տվյալները.
 - ✓ եթե չի անցկացվել համապատասխան լաբորատոր - գործիքային հետազոտություն.
 - ✓ եթե հետազոտական փաստաթղթերի միջև կան հակասություններ:

ԿԱՐԵՎՈՐ Է ԻՄԱՆԱԼ՝

- ✓ Այս ցանկը սպառիչ չէ, և զորակոչիկն ունի նաև օրենքով սահմանված այլ իրավունքներ.
- ✓ Զորակոչիկն իրավունք ունի ներկայանալ առավել մոտ զինկոմիսարիատ, եթե ծանուցման մեջ նշված ժամկետում հնարավոր չէ ներկայանալ հաշվառման վայրի զինկոմիսարիատ:



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՄԱՐԴՈՒ ԻՐԱՎՈՒՆՔՆԵՐԻ ՊԱՇՏՊԱՆ



«ՍԱՐԴՈՒ ԻՐԱՎՈՒՆՔՆԵՐԻ ՊԱՇՏՊԱՆԻ ԱՇԽԱՏԱԿԱԶՄ»

ք. Երևան, Պուշկինի 56ա
 +374 10 539 271 (քաղաքային)
 +374 43 513 116 (բջջային)
ombuds@ombuds.am (էլեկտրոնային փոստ)

ՄԱՐԶԱՅԻՆ ԱՏՈՐԱԲԱԺԱՆՈՒՄՆԵՐ

Շիրակի մարզ, ք. Գյումրի
 Մեեր Մկրտչյան 44/46
 +374 312 41981

Գեղարքունիքի մարզ, ք. Գավառ
 Կենտրոնական հրապարակ 4
 +374 264 30116

Սյունիքի մարզ, ք. Կապան
 Մելիք Ստեփանյան 6
 +374 285 20116

OMBUDS.AM
PASHTPAN.AM

ԻՆՉՊԵՍ ՍՏԱՆԱԼ ՄԱՐԴՈՒ ԻՐԱՎՈՒՆՔՆԵՐԻ ՊԱՇՏՊԱՆԻ ԱԶԱԿՑՈՒԹՅՈՒՆԸ

ԶՈՐԱԿՈՉԻ ԽՆԴԻՐՆԵՐՈՎ

116 ԹԵԺ ԳԻԾ



ՈՎՔԵՐ ԿԱՐՈՂ ԵՆ ԴԻՄԵԼ ՄԱՐԴՈՒ ԻՐԱՎՈՒՆՔՆԵՐԻ ՊԱՇՏՊԱՆԻՆ

- Չորակոչիկն անձամբ.
- Չորակոչիկի ծնողը կամ մերձավոր այլ ազգական.
- Չորակոչիկի ներկայացուցիչը, փաստաբանը:

ԿԱՐԵՎՈՐ Է ԻՄԱՆԱԼ՝

- ✓ Պաշտպանին կարող է դիմել նաև հասարակական կազմակերպությունը, եթե կա զորակոչիկի գրավոր համաձայնությունը:

ԻՆՉՊԵՍ ԴԻՄԵԼ ՄԱՐԴՈՒ ԻՐԱՎՈՒՆՔՆԵՐԻ ՊԱՇՏՊԱՆԻՆ

- Գրավոր՝
 - ✓ փոստով կամ Պաշտպանի աշխատակազմ անձամբ հանձնելով (ք. Երևան, Պուշկինի 56ա).
 - ✓ էլեկտրոնային փոստով (ombuds@ombuds.am).
 - ✓ Պաշտպանին կամ աշխատակազմի իրավասու ներկայացուցչին դիմումն առձեռն հանձնելով:
- Բանավոր՝
 - ✓ Պաշտպանի աշխատակազմի իրավասու ներկայացուցչին անձամբ հայտնելով.
 - ✓ աշխատակազմ զանգահարելով (+374 10 539271 կամ +374 43513116).
 - ✓ 116 թեժ գծին ահազանգ ներկայացնելով:

ԿԱՐԵՎՈՐ Է ԻՄԱՆԱԼ՝

- ✓ Դիմումը պետք է լինի ստորագրված և ներառի դիմողի՝
 - ✓ անունը, ազգանունը.
 - ✓ հասցեն.
 - ✓ հետադարձ կապի վերաբերյալ տվյալները (հեռախոսահամարը, էլ. փոստի հասցեն և այլն).
- ✓ Դիմումի համար հատուկ ձև սահմանված չէ, պետք է ուղղակի հստակ ներկայացնել խնդիրը.
- ✓ Պաշտպանին կարելի է դիմել նաև խորհրդատվություն ստանալու համար:

ԻՆՉ ԿՑԵԼ ԴԻՄՈՒՄԻՆ

Դիմումին ընթացք տալու համար որևէ փաստաթուղթ կցելը պարտադիր չէ. միևնույնն է՝ Պաշտպանի աշխատակազմում այն ուսումնասիրվելու է:

Եթե կան վերաբերելի փաստաթղթեր, ապա դիմումի հետ միասին դրանք ներկայացնելը կարևոր է:

ԿԱՐԵՎՈՐ Է ԻՄԱՆԱԼ՝

- ✓ առողջական վիճակի վերաբերյալ դիմում ներկայացնելիս ցանկալի է տրամադրել բժշկական փաստաթղթեր.
- ✓ հավելյալ տեղեկությունը կնպաստի բարձրացված խնդրի ավելի արագ և արդյունավետ լուծմանը.
- ✓ եթե դիմողը զորակոչիկի ծնողն է կամ այլ մերձավոր ազգականը, ապա պետք է նշել նաև զորակոչիկի վերաբերյալ անհրաժեշտ տվյալներ.
 - ✓ օրինակ՝ ծննդյան օրը, ամիսը, տարին, զինկոմիսարիատը:

ԻՆՉ ԸՆԹԱՑԱԿԱՐԳՈՎ Է ՔՆՆԱՐԿՎՈՒՄ ԴԻՄՈՒՄԸ

- Դիմումը Պաշտպանի աշխատակազմ մուտքագրվելուց հետո իրականացվում է ուսումնասիրություն.
- Եթե առկա է իրավունքների ենթադրյալ խախտում, ապա դիմումն ընդունվում է քննարկման.
- Դիմումի ուսումնասիրության և քննարկման ընթացքում Պաշտպանի աշխատակազմը պարզաբանումներ է պահանջում իրավասու մարմիններից.
- Անհրաժեշտության դեպքում Պաշտպանի աշխատակազմի իրավասու ներկայացուցիչներն իրականացնում են այցեր.
 - ✓ օրինակ՝ կենտրոնական հավաքակայան, զինվորական հոսպիտալ:

ԿԱՐԵՎՈՐ Է ԻՄԱՆԱԼ՝

- ✓ Պաշտպանին դիմում ներկայացնելը չի կասեցնում զորակոչը.
- ✓ Քաղաքացուն զորակոչելը խոչընդոտ չէ դիմումը քննարկելու համար.
- ✓ Պաշտպանին դիմում ներկայացնելը չի կասեցնում խախտված իրավունքների պաշտպանության համար այլ մարմիններ դիմելու ժամկետները.
 - ✓ օրինակ՝ դիմել է դատարան:

ԵՐԲ Է ԴԱԴԱՐԵՑՎՈՒՄ ԴԻՄՈՒՄԻ ՔՆՆԱՐԿՈՒՄԸ

- Երբ բարձրացված հարցը դրական լուծում է ստանում.
- Երբ պարզվում է, որ իրավունքի խախտում առկա չէ:
- Երբ առաջանում են դիմումը չքննարկելու հիմքեր.
 - ✓ օրինակ՝ եթե Պաշտպանին դիմելուց հետո անձը նույն խնդրով դիմել է դատարան:

ԿԱՐԵՎՈՐ Է ԻՄԱՆԱԼ՝

- ✓ եթե դիմումի քննարկման արդյունքում պարզվում է, որ առկա է զորակոչիկի իրավունքների կամ ազատությունների խախտում, ապա Պաշտպանը կայացնում է մարդու իրավունքների կամ ազատությունների խախտման առկայության մասին որոշում.
 - ✓ օրինակ՝ առկա է տարկետման հիմք, սակայն անտեսվել է զինկոմիսարիատի կողմից.
- ✓ այդ դեպքում Պաշտպանը դիմում է համապատասխան իրավասու մարմին և առաջարկում վերացնել խախտումը.
- ✓ Պաշտպանը կարող է ներկայացնել իրավունքի խախտում թույլ տված պաշտոնատար անձին պատասխանատվության ենթարկելու առաջարկ.
- ✓ պատասխանատվության ենթարկելու առաջարկի հետ մեկտեղ Պաշտպանը կարող է առաջարկել կարգապահական տույժի տեսակը: